

中興禮書

中興禮書第二百九十一卷

凶禮五十六

魏忠憲王 榮國公

淳熙七年二月七日皇子永興成德軍節度使雍州牧
開府儀同三司判明州軍事兼沿海制置使魏王愷言
福不勝殃雖極親聞之戀生必有死茲惟人理之常顧
未報於重恩痛空啣於餘恨伏念臣托身子職分派天
枝親蔭方濃未迫桑榆之暮流年已逝忽驚蒲柳之衰
一玷守符九更歲筭身雖在外敢忘愛君之忠命乃自
天遽有沒身之憾自嬰疾疢浸閱歲時藥石交攻禱祠
備罄雖百為之由盡柰常數之難逃伏願皇帝陛下以
社稷之重為心以生靈之衆是念勿徇至慈之愛過為

無益之悲臣有遺恨仰瀆聖聰臣身沒之後家屬人口并男所有合得恩數乞賜優異本府一行官屬使臣諸色祇應人兵級等隨逐在鎮事臣効力若使一旦失所是臣抱恨九泉深可憐憫冀霑恩露欲乞各先次持與轉一官資並與存留在府接續祇應其請給按月接續幫勘支破理任酬賞人並依見行指揮候至服闋日別行取旨候結局日記室二員仍與陞擢見闕差遣同幹辦二員與添差蘆務路分都監請給等依正官例其餘人願赴部者與添差蘆務合入差遣一次諸色人兵級等願養老者聽特與帶行舊請在外居止候臣歸葬日官屬使臣諸色人兵級等各與依例借請本身請級三個月與其般挈家屬如有未盡事件令本府別具申請

欲望聖慈俯賜俞允特降睿旨早賜處分施行但臣累奉詔宣屬緣病阻曾寸步之莫進恨孝道之莫終身隔九泉永闕晨昏之奉魂依雙闕尚懷天地之仁詔並特依所乞其合得恩所令數所屬疾速條具申尚書省九日尚書省劄子皇子魏王愷薨所有合行典禮詔令禮部太常寺日下討論申尚書省

同日禮部太常寺言今討論到合行典故下項 一依儀合擇日皇帝舉哀成服今乞下太史局擇日聞奏

一依儀并典故舉哀日合於後苑正北偏西土地設帷

色用青南向周以簾帷今欲乞下儀鸞司排辦施行 一

依儀皇帝服白羅衫黑銀腰帶素紗軟御幘頭絲鞋今欲乞下文思院製造赴御藥院送納 一依儀舉哀前

一日儀鸞司設御幄其日皇帝服常服乘輿詣幄降輿
入幄簾降俟時文武朝參官以上並赴後殿門外立班
以候迎時監名奉慰皇帝釋常服服素服禮直官太常博士引
太常卿常服前俛伏跪奏太常卿臣某言請皇帝為魏
王遣薨舉哀奏訖俛伏興又奏請舉哀皇帝舉哭十五
音又奏請可止皇帝哭止禮直官太常博士太常卿後
位立並退文武百僚進名奉慰訖皇帝釋素服服常服
乘輿還內如來儀 一舉哀日依禮例前後殿不視事
一輟朝依例宗室期服合數三日今檢照典故真宗
朝周王祐薨特輟五日神宗朝衛王价薨廢朝五日又
不視事三日今來魏王堯輟朝日分乞敷奏取旨施行
一魏王夫人及乎子以下並魏王府第人並合服斬

衰三年服 一魏王府長史司馬記室以下

明州官
史非

並

服齋衰三日臨五日而除 一皇太子為魏王僚齊衰

不杖期十三日而除欲乞擇日就城外寺院設位行禮

其十三日內即不合起赴朝參 一太史局供到狀舉

哀成服宜用二月十日壬辰時宜用庚時吉詔舉哀成

服用今月十日庚時自十一日報朝五日皇太子服細

布幘頭襖衫腰圍以布帶餘依

奉哀成服禮
首行字中禮

得

同日詔皇子魏王愷薨差鄧從義主管勅葬一行事務

十日詔於闕處取會子三萬貫絹一萬匹銀三千兩出

給合葬故皇子魏王使用

同日詔令入內內侍省合同憑由司出給合同憑由於

祇候庫取貂蟬龍巾七梁額花冠朝服一副賜皇子魏

王使用限日下供納

同日勅奠故皇子魏王大主管所言本所已承指揮差
勅奠皇子魏王前去明州津發靈柩所有自明州沿路
至臨安府各行差官應辦防護詔差兩浙運轉運副使
韓彥實

同日禮部太常寺言皇子魏王在明州薨今討論依典
故合遣使奉詔致弔或致賻贈及合遣使陳饌致奠其
合用祭文乞下學士院製撰詔差刑部尚書謝廓然餘
依

十一日刑部尚書謝廓然言皇子魏王薨已降指揮差
廓然奉詔弔祭今條具合行事件 一陳饌致奠除祭
文已下學士院製撰外所有祭饌之物乞於明州排辦

一今來致弔致奠合差禮直官一名隨逐前去祇應
一所至州縣如遇朔拜行香之類並免赴及回謁等
事 一隨行申發行移文字合用印記乞下禮部權暫
給降奉使印記一顆沿路使用回日繳納 一契勘所
降賻贈之物切恐數目稍多沿路難以照管欲乞行下
兩浙轉運司差使臣一員兵級三名看管坐押直至明
州詔依

同日禮部太常寺言皇子魏王薨今續次討論到國朝
典故下項 一熙寧二年七月十一日命龍圖閣直學
士陳薦護相王允弼葬事熙寧九年正月二十四日命
樞密直學士陳襄內侍副都知藍元震護皇子冀冲孝
王葬事今欲乞依典故差官護葬 一太平興國四年

弔門一節未審合與不合用詔書如用即合稱魏王男名詔令學士院降詔

十七日都大主管鄧從乂言據太常寺贊引使臣齊聞韶等申檢准大觀太常寺條節文贈祭一品用舉靈日出新城門外陳設在外舉葬得旨排設贈祭應用禮料內在京闕請者報所屬給勘會勅葬故皇子魏王係正一品依條例出殯日合設贈祭今來緣自明州護靈柩至紹興府寺院權行櫬厝未選出殯日辰所有贈祭今欲乞俟將來出殯日排設其合用羊豕禮料祭器祝版黝纁幣帛贈玉等乞下太常寺報所屬排辦詔依十八日權禮部侍郎兼侍講齊慶胄言准差充皇子魏王護葬官今具申請下項一乞以故皇子魏王護葬

所為名。一乞差禮直官剋擇官各一名指名報所屬差。一本所應有合行關報取會事件欲乞候指揮下日移文都欽主管葬事所參酌關報施行。一所有今來護葬應合行典禮乞劄下禮部太常寺參酌討論施行續承指揮魏王靈輓止就紹興府踏逐穩便寺院權行橫屠仍乞劄下所差一行官照會排辦。一今來合往來興府所有隨行申發行移文字所有印記移牒禮部關係奉使印一顆行使。一今來迤邐前去紹興府迎護皇子魏王靈柩候迎見日欲乞具常服於靈柩前行燒香禮訖却行隨逐前詣安奉去處所有合用花瓶麻爐香茶酒果蠟燭等關報紹興府排辦候橫屠畢燒香奉辭訖回程。一所至州縣如遇朝拜行香之類並

乞免行越赴詔依

十九日都大主管皇子魏王勅葬所言奉聖旨魏王靈
視止就紹興府踏逐穩使寺院權行橫厝已即時差本
所禮直官齊聞韶克擇官李繼宗前去同紹興府差官
踏逐穩使寺院橫厝仍先次踏逐寺院候靈柩到日權
行安泊候踏逐到別具奏聞外今據李繼宗選定二十
六日靈柩起離明州詔依二十四日都大主管所奏差
札直官克擇官同紹興府
判此套應同共踏逐外紹興府城外山陰縣天衣
寺法堂至五間內堂十一間塔无權行橫厝詔依

皇帝遣使弟魏王喪儀

二月二十一日
致弔祭奠

前期所司於受弔者之第大門外設使者次使者至贊
者引入次内外衰服贊者引受弔者以下降立哭於東
階下婦人立哭於殯所使者常服出次於門外西向立

史二人以案奉詔書立於使者之側贊者引受弔者免
 經去杖出門止哭迎使者於大門外見訖先入庭下望
 闕立史二人捧詔書案前行贊者引使者從入內外止
 哭使者詣庭下少北南向立史以案進使者搢笏取詔
 書加於笏上史以案退使者少進於受弔者前稱有弔
 詔受弔者舉哭再拜搢額內外皆哭贊者引受弔者進
 詣使者前跪受詔書興復位贊者引使者歸次受弔者
 以詔書授執事者舉哭拜送使者於大門外使者還贊
 者引受弔者杖哭而入升堂取詔書奠於柩前若致賻
 或賻如受弔之儀詔曰勅王位男年各角菲躬臨
次朝生春秋之方感曾壽命之不延
如問驚聞衣懷寤恒重於遺孤之恤專馳迎侍之臣
角推傷舒予悼痛今違朝讀即試刑部尚書謝廓然致
弔故慈慈
謝想宜知悉

皇帝遣使祭奠魏王喪儀

前期所司於受奠者之第大門外設使次者使者至贊者引入內內外纓服贊者引主人以下降立哭於東階下婦人升立哭於柩之右使者常服出次立於大門外有司陳饌於柩前贊者引立人去杖出中門止哭於大門外迎見使訖者先入立於門右贊者引使者入內外止哭使者升自東階立於柩前之左贊者引主人升自西階立當使者前使者以饌奠酒訖曰魏王將歸幽宅詔使廓然奠祭文明州差官空墳主人降階間北面舉哭再拜稽顙內外俱哭主人退哭於東階下贊者引使者出從者從出主人止哭拜送使者於大門外使者還主人杖哭而入

祭文曰維淳熙七年歲次庚子二月癸未朔二十一日癸卯皇帝遣朝請郎試刑部尚書臨海縣

大觀贈祭式行事獻官一員奉禮郎太祝太官令各一員數內獻官一員依條輪差本寺博士充在外舉葬所用獻官准此今來勅葬故皇子魏王候將來出殯日排設贈祭其獻官一員合於出殯前期渡江前去依禮例欲乞起發日免朝拜同日朝見所有合差奉禮郎太祝太官令各一員前期報紹興府差本府官充攝一今來行移合印記乞從禮部權暫闕借奉使印一面行使一合差撰造工匠并宰殺羊豕宰手乞下御厨牛羊司各行差撥一名隨逐前去祇應一檢准太觀太常寺格合差管押禮料職掌一名供官五人供祭器祝版席職掌一十人供黝纁贈玉職掌四人擡祭器牙床節級一名刺員一十八祭屋三間并合差司儀令一員以禮直官攝引贊行

事禮真官二人贊者五人今隨宜減省管押禮料祭器等職掌并狹官止乞共差四人司儀令禮直官今止乞共差一名贊者今止乞差四人所有挂祭器等軍兵乞下臨安府差軍兵十人節級一名搬運祭器禮料等前去詔依

同日太常寺言已降指揮故皇子魏王出殯日合設贈祭其獻官一員依條輪差本寺博士充契勘太常博士宋之瑞已於二月二十五日宣充試官欲乞於本寺官內差官一員於出殯前期起發渡江前去紹興府贈祭行禮乞速賜差官詔差太常丞胡南逢

三月一日兩浙路計度轉運副使公事韓彥質言恭奉聖旨前來明州應辦防護故皇子魏王靈輓柩明州進

士楊習父老顏陸等狀竊以千里之寄莫大乎守帥萬
民之依實賴于仁慈伏覩故皇子親王出鎮此邦已更
七齋上體睿意下敦教儒風與頌喧聲和氣感召兩賜
時若禾麥屢登仁被一方不幸早薨士民失望後漢美
東平之為善南國愛召伯之甘棠今明之人既懷遺愛
習等與父老乞為建祠立碑以紀遺德少慰群心詔依
同日勅葬故皇子魏王郁大主管所言據本所尅擇官
李繼宗等申選定今來勅葬故皇子魏王祭土破地出
殯興靈下事吉日時刻 一祭土破地宜用三月八日
庚申時宜用巽時吉 一出殯興靈宜用三月十二日
甲子時宜用艮時吉 一下事宜用三月十四日丙寅
時宜用巽時吉詔依

七日太常寺言准尚書省劄子勘會已選定故皇子魏
王出殯與靈下事日辰所有合行禮儀等事劄付太常
寺日下檢照典故條具中尚書省今檢照國朝會要皇
子周王祐威平六年四月薨特如朝五日出殯按一日
百官赴西上鎮安軍節度使景國公備照李八年十二
三月不視事鎮安軍節度使景國公備照李八年十二
引葬各按一日詔三月十四日輟朝一日所有奉慰

依典故施行

九日太常寺言故皇子魏王出殯下事三月十四日輟
朝一日所有奉慰依典故施行本寺契勘若依皇子周
王祐典故行奉慰禮欲乞依今年二月十日奉慰禮例
從御史臺問門集文武朝參官以上至日並赴後殿門
外立班進名奉慰詔依

十二日故皇子魏王靈樞自紹興府能仁寺權安泊處興靈出稽山門太常寺於門首排設贈祭太常丞胡南逢行禮祭畢靈樞往天依寺泊安至十四日櫬厝

二十四日禮部太常寺言皇子魏王薨其贈官賜諡奉聖旨今吏禮部太常寺擬定申尚書省數內賜諡今擬定諡曰惠憲遺愛在民曰惠行善可記曰憲詔依

四月二十一日皇子魏王府丞受言准差充皇子魏王府承受今據本府申皇子魏王已賜諡惠憲合作是何稱呼今准太常寺閱參照吳王益王體例止合作故皇子王府稱呼詔改充主管故皇子魏王府應干合作行事件並依已降指揮施行

二十三日吏部言故皇子魏王賜諡曰惠憲本部照得

淳熙五年指揮並先經有司議定申中書門下省具奏
取旨依舊制更不命詞止備坐所議給告并淳熙六年
虞允文係特賜謚申省得旨命詞給告今來故皇子魏
王係禮部太常寺擬謚惠憲未審依淳熙三年指揮令
有司撰議給告唯復命詞給告後批送吏禮部指定申
尚書省尋下太常寺指定今定欲照應昨淳熙六年虞
允文賜謚禮例命詞給告詔依

二十六日吏部言故皇子魏王贈官賜謚今吏禮部太常
寺擬定申尚書省本部契勘賜謚已闕禮部并方功施
行外所有贈官緣魏王已係兩鎮節度使一州牧今參酌
典故今改賜大鎮并帶兩州牧詔依今欲擬贈淮南武
寧軍節度使揚州牧兼徐州牧如得允當即合命詞給

告奉勅立愛主恩父子莫隆于天性飾終厚往古今位
著于邦常眷我賢王遠同逝水興言震悼宜有褒崇皇
子故永興成德軍節度使雍州牧開府儀同三司魏王
食邑一萬二千戶食實封四千八百戶性寬大而純明
溫恭而勤遜進德修業恪循誠信之規立身成名允蹈
忠孝之實粵從朱卽分正輔藩建兩鎮之節麾賜大名
之土宇苑陵布政狗無吠夜之聲鄣江專征海之絕揚
波之警方倚藩垣之重俄成舟壑之嗟追弔幽魂式加
贈典升廣陵之督府總彭城之中權九牧正乎隆名八
命頌乎異教愛慈至矣曷勝傷悼之懷冥漠知乎尚服
寵靈之渥可特贈淮南武寧軍節度使揚州牧兼徐州
牧餘如故

五月六日勅九原莫作恩既厚於節終于祀彌光禮蓋
嚴於節惠眷予賢子奄棄明時爰申錫於寵章用丕昭
於善行皇子故水興成德軍節度使雍州牧開府儀同
三司魏王食邑一萬二千戶食實封四千八百戶贈淮
南武寧軍節度使揚州牧兼徐州牧愷憑耀星極毓粹
璿源器函闡遠之規性稟融明之識元衮赤寫峻典冊
於真王大纛高牙威威儀於兩鎮安譽處而無富貴之
累躬信厚而惟法度之循肇班寧國之春旒布鄞江之
政始終十載龜勉百為履正奉公迪邦彝而帥屬輕徭
簡賦宣上德以裕民靈河洽潤於京都磐石鞏安於宗
翰哀榮倏變感歎何窮肆疇議禮之官庸舉易名之典
且遺愛如子產仲尼取惠以為稱至樂善若東平漢室

以憲而加謚兼包二美爰出前人煌煌史牒之傳表表
咸藩之矩噫死者生之化雖古今修短之不齊名者實
之賓惟賢哲章明而勿朽尚期英爽歆此寵靈可賜謚
惠憲

榮國公

乾道九年二月二十一日內侍何良輔奉聖旨指揮太

常寺榮國公薨輟視朝一日先是保者二月二十日榮

故檢照乾道服制格為孫之下賜恩麻三月國朝會要

皇姓石峴街軍考哲熙寧十年二月報朝三日雍王

預第三子元堂五年九月報朝二日皇從姪並報一日

太常寺條小功總麻一日其持報日數不定依條國公

為從一品合差官主管奉事合賜官賜
同日詔榮國公薨差黃鉞主管勅葬
二十八日詔故榮國公挺特贈武當軍節度使追封豫

國公本官係特旨贈官告命詞給告奉勅命名授爵蓋
推親族之恩考禮疏榮益厚飾終之典皇孫故福州觀
察使榮國公挺神明之胄聰敏之資鞠于深宮奉我明
訓駸駸就傳之日亦尚有成拳拳為善之心已知其樂
適嬰徼恙何遽云亡凋戈蓋節之榮遙分江漢疊紉重
圭之寵仍啟荆河諒精氣之猶存宜贊書之來服可特
贈武當軍節度使追封豫國公 三月十一日故贈武當
軍節度使豫國公靈柩出殯於清波門首排設贈祭太
常博士姚宗之行禮祭畢往寶林院齋厝

中興禮書第二百九十二卷

凶禮五十七

忌辰一

高宗紹興元年正月六日禮部太常寺言准都省批送下温州申景靈宮等處神御每遇旦望節序生辰忌辰排辦酌獻後送禮部同太常寺官擬定申尚書省勘會温州見奉安景靈宮諸殿神御并萬壽觀會聖宮章武殿神御每遇旦望節序生辰忌辰並各排辦酌獻即係本州同日一時四處酌獻顯是煩數今擬定除景靈宮諸殿神御自合每遇旦望節序生辰忌辰排辦酌獻外所有萬壽觀會聖宮章武殿見奉安神御每遇旦望節序生辰忌辰權令逐處主管官燒香詔依

十三日右司員外郎權太常少卿王保等劄子昨因去年十二月七日僖祖皇帝孝明皇后忌曾舉劾越州圓通院所設位牌事于宗廟乞特賜施行以戒不虔其僧行衙前已蒙朝廷指揮各罰銅十斤外本寺承尚書省劄子今後遇國忌行香去處仰本寺差人前去如法排辦不得移文取辦州郡稍涉違戾本寺任責今契勘太常寺實掌禮儀緣自來應有合行禮儀事件本寺止討論檢具移報所屬依應施行昨來東京國忌行香亦係景靈宮排辦即不屬本寺及自應天府車駕巡幸以來係依前後已降聖旨本寺牒所至州軍蓋祖宗國忌行香排辦設置位號之類自來州郡非不慣習於太常寺別無儀注今相置措辦到車駕巡幸去處每遇國忌行

香事節如得允當伏乞朝廷特賜指揮行下本寺以憑
遵守劉付太常寺依所乞施行 一車駕巡幸每遇國
一車駕本寺前期具祖宗及諸后諡號忌辰日月報所
至州軍排辦前期一日齋所書牌位及疏文赴本寺照
檢 一車駕巡幸州軍每遇國忌行香本寺差禮直官
贊者引班抱香合祇應 一今後有司排辦違戾亦聽
本寺舉劾

二月十三日太常少卿蘇遵等言檢會靖康元年正月
三日尚書省劉子節文太常寺申朔望皇帝行進拜之
禮今來係具慶之朝若遇祖宗帝后忌前一日并忌日
並合依道君太上皇帝遇忌前一日所服衣服奉聖育
依今契勘二月十五日係欽成皇后忌前一日依上件

指揮至日合易服父緣同日係遙拜日分竊慮有司止
遵依靖康元年正月一日指揮供進忌前一日所服今
欲乞將來皇帝自內先服紅袍遙拜訖易服所有三月
十五日明德皇后忌四月十五日章穆皇后忌六月二
日昭憲皇后淑德皇后忌前一日并忌日所服並乞依
此施行詔依

三月二十三日禮部太常寺言將來四月十四日昭慈
獻烈皇后大祥依國朝故事大祥後次年合箋注立忌
合今於紹興四年歷日內箋注忌辰詔依

四年五月二十四日御史臺閣門太常寺言勘會三月
十五日明德皇后忌辰依禮例皇帝不視事今參酌欲
乞至日皇帝就常百官宰執百官於殿門外遙拜道君

皇帝淵聖皇帝訖赴法惠寺行香退當日如三省樞密院有急速公事於內殿進呈詔依

十月十日閣門言將來車駕親總六師往臨大江所有留臨安府官每遇忌辰於法惠寺設位揖引文武百官行香詔依

五年四月二十九日禮部太常寺言勘會已降指揮五月二日車駕詣太廟別廟行款謁禮緣其日係章懷皇后忌前一日皇帝合服黃袍今參酌欲乞依禮例是日皇帝自內先服紅袍詣太廟別廟行禮畢還內俟至宮中易忌前之服詔依

八年四月四日太常寺言祖宗帝后忌辰依禮例並於佛寺行香今來徽宗皇帝顯肅皇后諱日未至欲乞除

大祥立忌禮數幾沐寺遂旋申請外所有已後忌日若諱日未葬乞權以平月二十五日間哀日依祖宗忌辰禮例並於佛塔建置道場行香詔依

十八日中書門下省言温州安奉景靈宮神御依條每遇節序并忌辰各合供燒紙贈昨緣申請遂行寢罷甚非崇奉之意詔節序忌辰合用紙贈令温州依舊應付供燒

十二月二十一日禮部言准都省批送下太常寺申明忌辰並拜表等臣僚立班次序事後批送禮部同所屬看詳申尚書省本部尋關閣門看詳下項一每遇祖宗帝后忌辰行香奉慰及拜表等立班係依自來禮例立班元太常寺申請若遇樞密使使樞密副使使及西

班執政官不赴依例移右僕射過西班押班閣門看詳
若遇使相不赴其樞密使以下至同簽書樞密院事赴
與不赴並合移右僕射過西壁押班與左僕射對立如
使相赴赴即自來不曾有移右僕射過西壁押班體例
元太常寺請如右僕射亦不赴赴依例移從下參政一
員過西班合依此從下移參政一員過西班押班閣門
看詳如遇使相不赴右僕射又不赴即不合移參政過
西班亦無似此體例元太常寺申請若樞密使赴赴其
左右僕射並不赴却合移樞密使過東班作班首行禮
閣門看詳若遇樞密使赴赴其左右僕射並不赴即合
移樞密使過東班立班

樞密使如有所指恩數等並依
罕且合依太常寺申明立班

元太常寺申請或有使相樞密使赴赴合移樞密副使

過東班作班首

禮閣門看詳如過左右僕射參政並

不赴止有使相樞密副使赴赴若移樞密副使過東壁
立班難以與使相一行即合稍後立班 一依自來禮
例每遇祖宗帝后忌辰西班已有使相其樞密使樞密
副使及西班執政執官並不赴赴依例更不移東班宰
執過西班止是從下揖引參政一員過西班禮直官接
引行香訖揖退東班東班禮直官接引歸本班如遇參
政亦不赴合引右僕射過西班行香若右僕射又不起
赴依例東班禮直官於東班引從上侍從官一員揖過
西班行香訖歸本班如值兩降在兩廊立班依例自東
廊引揖由殿上過西廊行香訖復引歸本班 一每遇
祖宗帝后忌辰行香係引班首升殿由正門詣帷行禮

若值兩降在兩廊立班依例引班首陞殿東側階入便
門詣帷行禮閣門看詳引行香官并值兩陞殿門戶二
項於閣門別無相妨 一本部再行下太常寺將閣門
看詳到事理指定於本寺有無妨礙本寺看詳前項每
遇祖宗帝后忌辰行香奉慰及拜表等西班闕官接引
等止係循例引揖為別無所降指揮及條法遵執遂行
申請今勘會欲依閣門看詳到事理於本寺別無妨礙
詔依

九年十月二十二日禮部太常寺言檢會國朝故事天
聖三年二月太常禮院官二月十九日真宗皇帝忌准
禮例前一日不坐其日皇帝不視事文武百僚詣西上
閣門進名奉慰訖退赴佛寺行香勅旨先帝初忌前後

各三日不視事不持刑罰各前後五日禁止音樂仍令百官赴景靈宮奉真殿行香所有來年正月二十五日徽宗皇帝頭簫皇太后忌欲乞故事前後各三日不視事不行刑罰前後各五日行在禁止音樂及乞其日文武百僚詣常御殿門外進名奉慰訖詣法惠寺行香其以後忌辰已依祖宗忌辰禮例詔依

十年八月二日禮部太常寺言今來九月十日明堂大禮行事執政陪祀文武官合於八月三十日受誓戒以後係散齋日分遇祖宗忌辰即不合越赴所有九月三日宣仁聖烈皇后忌在已受誓戒散齋之內欲乞依在京禮例於侍從官內專差跪爐行香官一員其西班行香官亦乞令至日以次官行香詔跪爐行香官差兵部

尚書胡交修

紹興十四年正月三日孝惠皇后忌辰

內苑權行香官差數文閣侍制

五日顯甫皇后忌辰

九月二日入內侍省言省記在京日遇忌辰設大會齋

僧除設大會於靖康元年正月內承指揮權住外其設

獄自渡江後來未曾排辦本省尋牒皇城司御藥院勘

會舊來管認日分即今曾未排辦皇城司稱崇寧年間

忌辰設大會等見遵奉聖旨今後權住排辦所管日分

即無案籍見得并御藥院具到本院見管忌辰日設獄

及太常寺會到帝后忌辰日分除藥院見管一十二位

外有二十三未會排辦設辦一御藥院申下項忌

辰本院今來行在係御史臺大理寺臨安府設獄隨處

罪辨罪人饗食前一日差聽喚使臣一員候申到設訖

人數并次詳因所犯事因開析聞奏

值日分相坊者
聽移次日設

章懿皇后

章惠皇后

以

真宗皇帝

仁宗皇帝

英宗皇帝

神宗皇帝

哲宗皇帝

慈聖光憲皇

后

宣仁聖烈皇后

欽聖憲肅皇后

欽成皇后

欽慈皇后

以

日

一太常寺具到應忌辰日分除豁前

項御藥院見管設獄外有下項未曾設獄并依紹興八

年四月四日指揮徽宗皇帝顯肅皇后權於正月

二十五日聞哀日依祖宗忌辰禮例

僖祖皇帝

翼

祖皇帝

宣祖皇帝

太祖皇帝

太宗皇帝

徽宗

皇帝

文懿皇后

簡穆皇后

昭憲皇后

孝明皇

后

孝章皇后

元德皇后

明德皇后

明德皇后

懿德皇后 淑德皇后 章憲明肅皇后 章懷皇

后 昭懷皇后 昭慈聖獻皇后 顯恭皇后 顯肅

皇后 貼黃稱兼據點班申省記舊來忌辰設獄係差當

公事使臣一員預先取會罪人數目報所屬排辦喫食

詔未曾設獄日分內從上一十八位並本省差人五位

令御藥院管認餘依所申事理并見行體例施行十一月二

后 禮部言准都省批送下御藥院申為管認 章懷皇

后 聖旨各設獄二日外所有章懷皇后忌辰設

事 禮部送禮部別無該載外今看詳章懷皇后忌辰設

后 日分今設獄一附日 依

十六日 睿思殿祇候幹辦天章閣權奉安神御梁忻等

奏契勸承元順成殿帝后忌辰道場依先降指揮令前

忌辰取今來九月二十六日顯恭皇后忌辰道場今具
下項 一温州景靈宮例每遇帝后忌辰前三日用僧
道各一十四人赴本宮道場今來本殿窄隘欲乞止令
終日道場至申時出次日却令班首管押前來赴殿道
場見今温州景靈宮諸殿帝后忌辰道場計三十二次
每歲輪一僧寺及一道觀管認一歲道場奉聖旨令溫
州每歲於上供錢內支錢二百五十貫文省 一温州
景靈宮每歲忌辰開啟罷散係主管官上香宣疏欲依
先降指揮令幹辦官上香宣疏 一温州景靈宮每遇
忌辰日本州守臣率見任官并僧道各五十人赴宮行
香行在見今諸帝后忌辰宰執已率百僚赴法會寺行
香所有本殿行香伏乞指揮施行 一道場開啟罷散

合用御封香二合依條於文思殿外庫請紙贈一副白
團四十束馳馬車檐四十事羅錦雜絲一百二十束金
銀錢一百二十辦金銀二百錠秉燭十二對對濕香三
斤時花八把時菓一十釘末茶一斤僧道座具等已上
並令臨安府供送內紙贈於法惠寺納 一今後本殿
帝后忌辰欲乞依此排辦候告遷赴景靈宮日罷詔每
日班首等四人各賜錢四百文餘散衆二十四人各支
賜錢五百文計合用錢四十四貫四百文每次令左藏
庫依數供送充僧道齋觀錢等忌日宰執率百僚赴本
殿行香餘並依奏令申尚書省

二十四日尚書省劄子太常寺言天閣字權奉安神御闕
契勛承元順承殿帝后忌辰道場先降指揮顯恭皇后

忌辰日奉聖旨率執率百僚赴本殿行香劄付本殿今
後帝后忌辰筭乞依此排辦候告遷赴景靈宮日罷合
申請事詳 一合用行香僧道乞令臨安府依例差撥
報皇城司等處行下經由門戶照會出入 一合用供
奉素食香茶燈燭器皿上香炭火拜褥之類乞今天章
依本閣自來忌辰例闕報所屬排辦 一文武百僚並
合赴本殿立班欲乞依例令御史臺問門祇應 一自
來景靈宮後殿三位神御行香禮例先詣詣正忌位行
香讀疏訖移班詣次位殿下香案前兩拜班首詣香案
前上香訖復位再拜緣今來順承殿下地步窄隘難以
殿下設香欲就殿上香案前上香隨地移班再拜
一行禮儀注其日文武百僚詣承元殿下向北立定先

兩拜訖移班於承元順殿下北向立定先兩拜訖班首升殿詣顯恭皇后神御香案前揖笏三上香跪一盃茶報笏挽伏興降階復位又再拜宰執分左右行香訖復位班首升殿詣顯肅皇后香案前揖笏三上香執笏降階復位班首已下又兩拜訖班退若遇顯肅皇后忌經由承元殿下北向先兩拜次詣顯肅皇后位行香讀疏訖次詣顯恭皇后位五上香再拜並如上儀詔依

十二年四月二十四日權禮部侍郎施垌等言勘會四月二十八日孝章皇后忌并五月三日章懷皇后忌依巡幸禮例不奉慰百僚詣法惠寺行香又緣前項忌辰日分並係在今來大行皇后係懿節皇后以日易月服制之為竊尋古者喪服有權廢祭祀之禮蓋不欲以凶服而

行吉禮忌日不樂豫同凶禮緣祖宗舊例或行或廢未
有定議今來大行皇后既崩四月二十六日成服其四
月二十公日孝章皇后忌係在羣臣未釋服之內自是
難以越趨行香欲乞權停所有五月三日章懷皇后忌
雖在皇帝未釋服之前百官越趨行香於禮即無妨礙
詔依

九月四日禮部大常寺言提點慈寧殿所奉皇太后聖
旨下項諱日徽宗皇帝乙卯年四月二十一日申時顯
肅皇后庚戌年九月初五日巳時懿節皇后己未年六
月初二日午時奉聖旨令申尚書省劄付禮部太常寺
令參酌合行事件一依先降指揮徽宗室帝顯肅皇
后諱日未至權以正月二十五日聞哀日行香今來已

有諱日其行在并諸路州府縣鎮等處合遵依前項諱日作忌辰行香仍乞依禮例令太史局於來年歷日內並行箋註 一今來九月五日顯肅皇后忌日欲乞依禮例是文武百僚更不奉慰徑詣順承殿行香 一六月二日慈節皇后忌其箋註依故例候過祥除申請緣未過聞哀小祥今欲乞候過小祥別行申請詔依二月十七日閣門言勛會殿前司統制統領將佐使臣等係從軍差遣每日起赴教閱往往見在城外置案除見謝辭依儀外所有應朝參拜表忌國行香開放滿散等欲乞並特免越赴詔依

三月二十五日禮部太常寺言將來四月二十六日懿節皇后祥除几筵撤坐已具申請依國朝諸后禮例几

建徽樂後次年箋注忌辰緣聞哀後方報到紹興九年
六月二日懿節皇后諱日契勘將來六月二日懿節皇
后忌辰欲乞依諸后禮例許百官於法惠寺設位行香
其在外州軍等處亦乞依禮例許諸寺院行香仍乞令
太史局於來年歷日內箋註忌辰日分候指揮降下乞
令進奏院編牒詔依

五月二十七日禮部太常寺言六月二日懿節皇后忌
文武百僚於法惠寺行香今欲乞依昨顯恭皇后故事
是日不奉慰有司不進牒皇帝不易服今後依此詔依
九月十七日禮部太常寺言准都省批送下禮部侍郎
王賞等劄子契勘在京每遇祖宗帝后忌辰依儀文武
百僚先赴西上閣門進名奉慰訖次赴景靈宮行香緣

即今祖宗帝后忌辰依巡幸禮例不奉慰徑赴法惠寺設位行香所有將來迎奉祖宗帝后神御赴景靈宮安奉畢以後遇忌辰未審合依舊制奉慰惟復且依見今巡幸禮例後批送禮部太常寺指定中尚書省勘會以後每遇忌辰今指定欲且依巡幸禮例權不奉慰徑赴景靈宮行香詔依

十月十五日禮部太常寺言今來迎奉景靈宮祖宗帝后神御赴行在奉安以後每遇忌辰合詣本宮行香今具申請事件一契勘在京每遇祖宗帝后忌辰同日雙忌或三忌係依次序各殿行香今來景靈宮所建殿宇即與在京不同今相度欲乞令自後祖宗帝后忌辰同日即先詣中殿祖宗帝位行香一契勘在京輝德

殿前奉安懿德皇后明德皇后元德皇后神御每遇懿德皇后忌辰依儀行香畢百僚又詣明德皇后元德皇后殿下香案前行燒香之禮契勘今來祖宗諸后共係一十七位同殿奉安如遇祖宗諸后忌欲乞令文武百僚詣殿下先兩拜次依儀行香訖退所有中殿遇祖宗諸帝忌辰亦依此一在京遇僖祖皇帝翼祖皇帝忌辰係於天興殿東壁設位行禮今來如遇前項忌辰乞於景靈宮前殿東壁設位行禮一在京遇文懿皇后簡穆皇后孝惠皇后孝章皇后淑德皇后章懷皇后忌辰於保寧閣西壁設位今來如遇前項忌辰乞於景靈宮後殿西壁設位所有懿節皇后忌辰亦乞依此施行所有位牌仍乞令臨安府計會景靈宮主管所體訪樣

式製造付本宮交納詔依

十四年四月二十七日景靈宮主管所言昨在京日景靈宮神御係各殿奉安遇生辰忌辰本殿排設酒菓食味食來帝后神御分前後兩殿安奉本所相度今後皇太后皇后每遇景靈宮諸帝后生辰忌辰詣宮依在京日本位排設葷素食味等行禮其餘逐位更不排辦止赴前後殿上香朝拜若不緣生辰忌辰詣宮即乞依條排辦通詣行禮所有合用御封香依條前二日於睿思殿外庫請降赴宮詔依

十月二十八日禮部太常寺言每遇忌辰文武百僚詣景靈宮行香有司合申請事件 一每遇祖宗帝后忌辰其百宰執百僚赴景靈宮立班行香竊慮於立班之

祭宮殿諸處靈宮燒香相妨今欲乞自今後每遇忌辰
令本宮七常日草一刻開門先令百僚立班行香一
在京文武百僚詣景靈宮請殿行香如值雨雪或吧下
濕潤文武百僚詣景靈宮分東西廊上立班宰執並就
東廊僧道並於東廊投香所有今來景靈宮每遇忌辰
如值雨雪或吧下濕潤欲乞依前項禮例一每遇忌
辰合用鈔羅盆臺奠茶盃子等除見今景靈宮天興等
殿自有見在外其銀手爐并行香香圓香盤係令臨安
府逐旋差僧道并香局兵士至日旋行齋擎銀手爐行
香香圓香盤並交割付付天興等殿掌管遇忌辰令所
差僧道至日就宮請領供應事畢交納詔依

三十年三月八日禮部言准都省批下祕書省狀據太

史局申將來三十一年歷日內合與未合添入箋注顯
仁皇后忌辰事後批送部看詳申尚書省尋下太常寺
今檢准紹興三年所降指揮昭慈聖獻皇后依國朝故
事大祥後次年合箋注立忌所有將來顯仁皇后箋注
立忌今看詳合依前項禮例於紹興三十二年歷日內
箋注詔依

六月十五日禮部太常寺言檢准尚書省劄子六月二
日昭憲皇后淑德皇后懿節皇后六月十七日文懿皇
后忌辰日分係在今來孝慈淵聖皇帝以日易月服制
之內百官難以越赴行香依禮例合權停奉聖旨依勘
會今來二十八日欽慈皇后忌辰係在孝慈淵聖皇帝
以日易月擇服之外其行香百官合行越赴詔依

十月廿五日 注管侍衛步軍司公事李琇狀奉指揮統
率軍馬前去建康府竊恐將來經過州軍或屯駐去處
遇忌辰行香并朝拜等所有捧并諸軍統制統領將佐
緣係隨軍欲望朝廷特降指揮免行趨赴詔依
以該諸軍將校皆改此

二十七日 太常少卿王善等言勘會今來車駕巡幸本
寺有合申請下項 一今來車駕進發已後每遇忌辰
欲乞依禮例行宮文武百僚依舊於景靈宮行香 一
今來車駕巡幸其沿路及所至州軍遇忌辰欲乞依禮
例權免行香所有應過假日並不休務詔依

三十二年正月十二日行宮閣門言勘會今月十三日
立春合賜行宮臣僚春幡勝綠同日欽聖憲肅皇后忌

并見在恭文順德仁孝皇帝服制之內欲乞放謝免戴
詔依

二十九日行宮禮部太常寺言勘會已降指揮恭文順
德仁孝皇帝祔廟翼祖當遷今來太廟已行修奉祔室
畢工於正月九日告遷翼祖皇帝簡穆皇后神主奉藏
於夾室所有已後翼祖皇帝忌及諱簡穆皇后忌欲乞
從禮不諱不忌候今降指揮下日令都進奏院遍牒詔
恭依

二月十五日太常少卿王善言今月十九日真宗皇帝
忌辰百官赴景靈宮行香其扈從臣僚歸自道途方給
歇泊假使之沐浴澣濯然後就列若令使赴國忌行香
竊恐未至嚴肅欲乞是日權免赴詔依

三月十四日秘書省言紹興三十二年癸未歲歷日即未審合與不合箋注恭文順德仁孝皇帝忌辰後批送禮部詳看申尚書省尋下太常寺檢准國朝故事大祥後次年合箋注立忌所有將來欽宗恭文順德仁孝皇帝箋注立忌今看詳合依前項禮例於紹興三十二年歷日內箋注詔依

九月十四日入內侍省奏大理寺牒照對顯仁皇后忌辰昨承太常寺報到於三十二年歷日箋注忌辰了當依例合行設獄除已於今月二十日排辦外其至日監散設獄官請差官於今月二十日詣寺監散契勘今來大理寺牒到事理欲乞依顯仁皇后小祥大祥已降指揮令御藥院差官設獄詔依

中興禮書第二百九十三卷

凶禮五十八

忌禮辰二

紹興三十二年十月十六日禮部太常寺言已降指揮故妃郭氏追冊為安穆皇后合行立忌尋會到係六月二日忌辰欲令太史局於紹興三十三年歷日內箋注其應合排辦事件令所屬照應排辦及所用位牌乞令景靈宮主管所報文思院依做製造詔依

隆興元年正月十九日景靈宮主管所言據天興等殿申將來安穆皇后位牌赴宮已降指揮係六月二日忌辰及准御藥院牒到係七月二十五日生辰所有本位每遇生辰忌辰合用的獻等事件承太常寺關合依去

年辦過歲節皇后體例今具下項 一生辰合用御寶

單封香一裹係禮部酌獻酒五升葷食七味九件時

菓五疊乾菓六膠燻燭一條香火木炭三斤並係臨安

府排辦供納香藥一分係禮部一忌辰合用

御寶單封香一裹係禮部酌獻素食七味九件時菓

五疊燻燭一條香火木炭三斤道場僧道各一十四員

紙贈一副差臨安府排辦詔令所屬依例排辦

四月二十九日禮部太常寺言今來欽宗恭文順德仁

皇帝係於紹興三十一年五月二十二日聞哀所有已

後忌日若諱日未至乞權於隆興二年五月二十二日

依祖宗忌辰禮例令太史局於歷日內箋注詔依乾道

元年五月十二日禮部太常寺言准尚書省劄子勘會

昨紹興三十一年五月十九日金國人使朝見日報到
欽宗皇帝訃音續降指揮用二十三日立重二十六日
成服在法闈喪自間日為始所有忌辰因何知用五月
二十二日劄付禮部同太常寺日下看詳申今檢照紹
興三十一年五月二十二日所降指孝慈淵聖皇帝厭
世升遐續降指揮以上件日分立忌今准省劄勘會昨
紹興三十一年五月十九日金國人使朝見日報到欽
宗皇帝訃音今檢照紹興七年正月二十五日何薜奉
使回報徽宗皇帝升遐續申降指揮權以上件日立忌
禮部太常寺今看詳欲依徽宗皇帝典故後來續承闕
報係四月二十一日升遐再申降指揮改用當日立忌
禮部太常寺今看詳欲依徽宗皇帝典故并紹興令以

開喪日為始係合以五月十九日作欽宗皇帝忌日候
今降指揮下月令進奏院通牒乞令太史局箋注詔依
十五日御史臺閤門太常寺言勘會在京日每遇辰忌
行香真景靈宮樞星門兩偏門並開放令文武百僚赴
赴行香立班緣見今景靈宮遇辰行香止開樞星北
偏門及行香官轎馬又於樞星門外安頓擺列委寔擁
遏今欲乞自今後遇辰行香並依在京體例開靈星
兩偏門入出所有行香官轎馬等乞令臨安府差人指
約並於樞星門以南稍遠去處安頓擺列詔依
十月十三日禮部太常寺言契勘會每遇合班去處宰
執並在東班立班如西班使相不赴宰執却合分東西
班序立所有每遇忌辰係引東班班首升殿跪爐及行

香緣東班見闕宰相止有參政一員其西班係知樞密院官一員簽書樞密院官一員欲乞權暫移西班知樞密院院官一員過東班押班升殿跪爐於東班行香若簽書樞密院官不赴乞權引東班參政過西班行香訖歸本班詔依

二年十二月二十二日閣門言去年正月八日立春為係英宗皇帝忌辰係與免謝春幡勝依例行香退戴挿今後立春日過忌辰准此詔依

三年八月二十三日禮部言准都省批下祕書省申為將來歷日合與未合箋注安恭皇后忌辰事後批送部勘當尋下太常寺勘當依禮例係合於乾道四年六月二十五日几筵徹坐至乾道五年六月二十五日箋注

忌辰詔依四年九月二十九日禮部太常寺言安恭皇后合於乾道五年六月二十五日箋注忌辰所有行香製造位牌於後殿西壁位禁止音樂及不奉慰有司不進牌皇帝不易服欲乞並依懿節皇后忌辰禮例施行詔依

九年二月十六日景靈宮主管所狀本宮契勘今來修整前中後三殿合行告遷聖像神御一十九位今來欲乞告遷權於本宮進食殿內奉安如遇後殿忌辰百官赴宮行香乞入赴東齋殿內立班所有合設香案宰執上香宣疏去處乞於進食隔子門外通過廊上安設詔依

淳熙元年四月一日禮部太常寺言今來使人到闕承

閏門批到排日內四月二日宴其日係宰臣已下赴德壽宮起居日分并孟夏朝獻特用四月十七日十八日所有十七日樞密已下赴明慶寺開啟天申節道場有無相妨契勘四月十六日係朝獻前一日宰執赴都堂致齋緣同日係章穆皇后忌辰百僚合赴景靈宮行香除宰執係致齋日不合赴外今欲乞依例於東班從上引官一員升殿跪爐行香以次官一員詣西班行香詔依

九月閏門言今月十六日國忌行香宰執致齋不赴西壁武臣闕官押班已降指揮差使相或太尉節度使等押班可令文武班內從上一員東壁押班升殿上香跪爐如武臣未該赴東壁押班止令西壁散香今後准此

詔依

十一月十五日禮部言都省批下太常寺申契勘每遇祖宗忌辰行香立班係依五禮親儀及已有紹興八年十二月二十一日已降指揮若宰執致齋並不赴其使相赴欲乞依淳熙元年四月九日已降指揮如使相又不赴即乞依紹興八年已降指揮後批送禮部指定申尚書省尋下太常寺勘會每遇忌辰依儀文武百僚詣景靈宮立班行香本寺自來遵依五禮新儀并紹興八年指揮外緣近准淳熙元年四月九日指揮與五禮新儀并紹興八年指揮不同本寺遂行申請今承都省批下指定今檢准紹興二十二年四月十八日勅孟夏朝獻用四月二十二日分詣行禮四月二十一日係宰執

致齋日分緣同日徽宗皇帝忌辰百僚合赴行香除宰
執係致齋日不合赴外今欲乞至日依例於東班從
上引官一員升殿跪爐行香以次官一員詣西班行香
本寺今指定欲乞依上件已降指揮如遇宰執致齋等
並不赴忌辰行香乞於東班從上引官一員升殿跪爐
行香以次官一員詣西班行香所有其餘闕官等亦乞
照應紹興八年指揮施行詔依

四年四月三十日禮部太常寺言每遇祖宗帝后忌辰
文武百僚詣景靈宮立班行香依禮例引東班宰執班
首升殿上香奠茶跪爐行香其西班雖有使相止是押
班係引執政行香今准淳熙四年四月二十九日聖旨
少保觀文殿大學士史浩遇合班處令於宰臣東壁一

行歇空班所有史浩日後如遇忌辰行香立班欲乞
依前項禮例施行詔依

十月十三日禮部言准都省批下太常寺少卿齊慶言
言伏見政和五禮新儀凡遇國忌文武百官並赴行香
而武臣修武臣修武即以上皆預景德中樞密院言自
來樞密使副使例不赴行香恐虧嚴肅而大中祥符中
亦有以駙馬都尉而願預行立班者朝廷悉從之其所
以嚴宗廟之禮者如此近來每遇國忌文臣班立莫敢
不肅惟是武臣一班員數絕少或云職事相妨或以疾
在告多不赴赴如行在差務武臣臨安府隸屬武臣官
例是請將理假動經百日假限既滿又復在暇至有卒
歲不曾赴赴行香者欲望聖慈出自睿斷照詳國朝典

故命有司戒飭修武郎以上在職武臣依文臣體例赴
赴行香或有病疾止許時暫申免不得給假動以百日
後批送部看詳申尚書省本部照得國忌武臣修武郎
以上次文臣體例赴行香不將理假係屬閣門欲候
今降指揮下日令閣門一面措置閣門供到令諸武功
夫夫至保養郎和安大夫至翰林醫學并待詔等遇朝
會應立班者預預報所屬於前一日其合赴位班職位
姓名報至日輟不赴者牒御史臺取勘仍季首檢舉諸
臣僚假故滿百日者具名銜奏聞及申尚書省樞密院
關尚書度支御史臺供到令諸朝宴日稱疾并狀狀內
不赴者牒內侍者醫官局差內臣押醫診視不赴者牒
彈奏國忌日詔令閣門御史臺申嚴行下今後常切遵

守如省建辰彈劾聞奏

七年三月二十三日詔今後過國忌日六部長貳以下
聽於己正出局百司准此其日宰執文武百僚詣景靈
宮就次賀明前本宮排設香茶菓食等畢備閤門先報
引南班宗室入詣天興殿下立班定揖班首以下再拜
訖升東側階由東廊詣中殿下立定再拜訖引班首升
又再拜訖引班首升殿階笏三上香詔執笏降復位再
拜訖退過殿忌辰行禮次御史臺先引殿中侍御史
一員人就天興殿下北向立次御史臺閤門分引文武
官及諸軍副指揮使以上次禮直官引宰相執政官各
就位北向立定禮直官揖班首以下躬再拜訖引宰執
以下升東側階由東廊過中殿下北向立班定揖班首

以下躬再拜訖直身立再拜躬又再拜訖禮直官引班
首自東階升殿舍人引接升詣香案前外舍人至此降階准此
指笏三上香跪奠茶執笏俛伏興降階復位揖躬再拜
訖次引班首宰相執政官分左右指笏行香訖執笏俱
復位次引班首升殿詣香案前俛伏跪指笏執爐俟宣
疏文畢執笏伏興降階復位又再拜訖退如遇後殿忌

儀之

中興禮書第二百九十四卷

凶禮五十九

忌辰三

十二月初七日僖祖宣立道肇基積德起功懿文憲武
睿和至孝皇帝忌辰謹率文武百僚詣景靈宮齋僧二
十五人看金剛般若經二十五卷齋道士二十五人看
靈寶度人經二十五卷上資仙駕者並后忌辰右伏以

周詠思文爰起艱難之業商歌長發是鍾濟哲之祥茲
屬諱辰敢陳法供億祖皇帝伏願 超三界獨明最上
之乘慶浹九圍永祚無疆之歷謹疏

六月十七日文懿皇后忌伏以 覩天祚合肇開王迹之
祥僣極追尊昭宗靈儀之懿仙遊寢遠諱日斯臨式嚴

梵覺之脩仰助超昇之果文慈皇后伏願風乘願力永
離劫塵載資十地之良因增衍萬年之景命

七月二十六日宣祖忌伏以有開必先夙啟造邦之慶
克昌厥後式昭受命之符茲屆諱辰爭修淨供宣祖皇
帝伏願神超十地性悟三乘以無量無邊之願心扶寢
明寢昌之寶祚

六月二日昭憲皇后忌伏以祥開沙麓肇慶於皇基功
配姜嫄誕生於烈祖式臨諱日恭薦良因昭憲皇后伏
願了證無生頓明空相乘茲妙果超三界以逍遙佑彼
羣黎措八紘於在宥

十月二十日太祖啟運立極英武睿文思神德聖功至
明大孝皇帝忌伏以應帝王之運大一統以開基詔宗

社之休於萬年而定命邈仙遊之寢邈仰聖烈以如初
屬弓劍遠世之辰嚴緇黃追福之會太祖皇帝伏願后
帝左右配天神明想艱難締創之心固不忘於後嗣冀
眷佑扶持之力俾有永於皇圖

十二月七日孝明皇后忌伏以夏高成功允賴塗山之
助周文受命式符渭渙之光爰集闕宮用嚴諱日孝明
皇后伏願超登十地徧知般若之因安住九天密佑昇
平之運

正月三日孝惠皇后忌伏以紫雲在望贊鉅業於經綸
彤管增華正徽稱於典冊仙遊既遠諱日斯臨孝惠皇
后伏願具證真乘同符妙道益介無疆之作永瞻如在
之神

四月二十六日孝章皇后忌伏以佐炎德之休明徽音
如在瞻雲遊之縹緲仙馭斯遙屆諱日之甫臨伏勝因
而仰薦孝章皇后狀願圓成妙果了悟真乘充願力之
無邊祐皇圖之有永

三月十九日太宗至仁應道神功聖德文武睿烈大明
廣孝皇帝忌伏以遙駿有聲光啟萬年之統無兢維烈
永為百世之宗屬往忌之屆辰叩等慈而仰薦太宗皇
帝伏願超登佛地悟泡影之本如垂佑皇圖俾車書之
混一

三月十二日元德皇后忌伏以作配宸闈仰坤儀之夙
著流芳火牒瞻懿範以如存爰及諱辰式嚴薦禮元德
皇后伏願冥資法力密悟真乘佑寶歷於萬年錫鴻休

於四海

十二月十九日懿德皇后忌伏以作嬪晉邸承內饋之薦羞追配越封正中宮之用命仙踪逾邁諱日甫臨懿德皇后伏願憑仗勝因超升報地垂坤儀於不朽佑國祚於無疆

三月十五日明德皇后忌伏以椒房儷極有光陰教之修彤管傳芳咸仰德音之著載臨諱日嚴薦殊因明德皇后伏願深悟真乘頓超妙覺衍鴻禧於有永扶寶祚於無疆

六月二日淑德皇后忌伏以來嬪藩邸蚤隆風化之基升祔太宮永脩烝嘗之祀徽音云遠舊典斯存淑德皇后伏願道悟上契了真觀之空假慶流有衍佑寶祚之

明昌

二月十九日真宗膺符稽古成功讓德文明武定章聖元孝皇帝忌伏以威德成功追百王而制作修文偃武措一世於昇平屬當諱日之臨密仗勝因之薦真宗皇帝伏願覺塵清淨證十地之真乘法力圓通扶萬年之熙運五月三日章懷皇后忌伏以慶奮勲門儻濟藩而有淑令儀哲行巖奕世之追崇爰屬諱辰用伸薦禮章懷皇后伏願超昇覺地頓悟真乘仙御周遊常道遙於金闕神靈燕喜永孚佑於蘿圖

三月二十九日章獻明肅皇后忌伏以慈雲已遠瞻懿範之如存諱日甫臨繫佛乘之可仗式祈冥佑仰助仙游章獻明肅皇后伏願離有想天不墮金輪之果超極

樂界長瞻月相之尊

二月二十六日章懿皇后忌伏以德茂宮闈仰徽音之
如在神遊帝所屬諱日以斯違爰謹彝儀式資勝果章
懿皇后伏願道臻衆妙性覺真空集遐福以無疆佑冒
期於有永

四月十六日章穆皇后忌伏以德茂宮闈祥延國祚仰
徽音之如在屬諱日之甫臨爰謹彝儀式資聖果章穆
皇后伏願道臻衆妙性覺真空集遐福以無疆佑昌期
於有永

三月二十九日仁宗體天法道極功全德神文聖武濟
哲明孝皇帝忌伏以累洽重熙世格盈成之運深仁厚
澤民懷涵養之恩屬諱日之甫臨仗妙因而伸薦仁宗

皇帝伏願具太圓覺長居金界之尊發無碍慈永贊蓮
圖之作

十月二十日慈聖先獻皇后忌伏以德禪仁聖助成忠
厚之風名列真仙久近逍遙之境茲逢諱日用歲薦儀
慈聖光獻皇后伏願超佛化而常存離劫塵而不染密
數妙蔭永佑皇圖

正月八日英宗體乾膺歷隆功盛德懿文肅武睿神宣
孝皇帝忌伏以出神天之本宗暫遊人世應皇圖之歷
數迤返帝鄉茲屆諱辰式嚴薦禮英宗皇帝伏願憑茲
妙果超佛界之三千佑我皇家過周年之八百

九月三日宣仁聖烈皇后忌伏以佑文孫而御極功風
著於憂勤遵烈聖之詒謀俗咸歸於忠厚悵徽音之寔

邀仰盛德之難忘爰屬諱辰虔修法供宣仁聖烈皇后
伏願燕居淨土超悟真乘終節寬旌想從容於帝所金
枝玉葉祈延蔓於皇圖

三月五日神宗體元顯道法古立憲帝德王功英文烈
武欽仁聖孝皇帝忌伏以盛德濟時撫丕圖於七閩仙
遊厥世返真馭於九清恭遇諱辰式嚴薦禮神宗皇帝
仗願高憑慧果深悟法緣佑帝祚以洪延措人寰於康
阜

六月二十八日欽慈皇后忌伏以神靈鍾異啟前列以
無窮月御潛輝愴徽音之云遠屬臨諱日恭演祕文欽
慈皇后伏願超最上乘證無生忍燕居仙闕擁採伏以
逍遙垂佑皇家翊蘿圖之蔓衍

正月十三日欽聖憲肅皇后忌伏以仙遊已邈懿德彌
芳屬茲遠諱之辰用舉追嚴之典欽聖憲肅皇后伏願
圓成道果悟解佛乘右除教於無窮贊皇圖之有永
二月十六日欽成皇后忌伏以椒塗遺範有光史牒之
傳寶界真遊莫測雲霄之路載逢諱日敢竭丹誠冀憑
追奉之緣仰贊超登之果欽成皇后伏願逍遙海覺常
旋不退之輪保佑皇家永祚無疆之歷

正月十二日哲宗憲元繼道顯德定功欽文睿武齊聖
昭孝皇帝忌伏以篤前烈以承休允濟裕陵之美任舊
人而共政克臻元祐之隆追悼神遊用嚴諱日哲宗皇
帝伏願威靈如在廟貌常寧致率土於昇平躋斯民於
仁壽

四月十四日昭慈聖獻皇后忌伏以垂芳彤史風宣內德之徽協濟炎圖誕著中興之烈茲臨諱日用集殊因昭慈聖獻皇后伏願受記真乘棲神淨土廣錫無邊之福永隆不拔之基

二月九日昭懷皇后忌伏以祥禴永閔夙嚴廟祐之恩雨露載濡彌極寢園之望恭臨諱日祇薦殊因昭懷皇后伏願廓照三乘棲心衆妙愍帝鄉而遐舉翊祚皇以無疆

四月二十一日徽宗體神合道駭烈遜功聖文仁德憲慈顯孝皇帝忌伏以帝鄉迥邈空聞弓劍之道原廟崇嚴祇奉衣冠之出式臨諱日用薦鴻因徽宗皇帝伏願成就等慈洞觀衆妙證無生之覺地作天人師祐並受

之不基逾萬億歲

九月二十六日顯恭皇后忌伏以宸極儼尊爰勤修於陰教閔宮追遠茲邀奉於依遊及爰諱辰恭崇法會顯恭皇后伏願道遙帝所保佑皇圖道心自得於希夷佛法常明般若

九月二十日顯仁皇后忌伏以德配太妊夙著慈寧之範心同佛母樂從兜率之遊茲駕諱辰式嚴淨供顯仁皇后伏願道遙覺路長居卞地之尊保佑皇基永享萬年之泰

九月五日顯肅皇后忌伏以仙遊寢遯懿德彌芳適諱日之斯臨謹爰儀而式薦顯肅皇后伏願道遙請境悟解真乘佑陰教以常隆保皇圖於有永

五月十九日欽宗恭文順德仁孝皇帝忌伏以仙遊不返莫尋弓劍之遺原廟享崇益謹衣冠之奉載臨諱日爰演真乘欽宗皇帝伏願體妙太無合神請有長布在天之澤陰垂有國之休

六月二日懿節皇后忌伏以仙遊寂逸懿範彌芳因諱日之載臨歿闕宮而伸薦懿節皇后伏願圓成道果悟解佛乘超法界於無邊贊皇圖於有永

六月二十五日安恭皇后忌伏以闕長秋之奉仙馭寢遙愴諱日之臨坤儀如在曷伸嚴薦爰仗薰修安恭皇后伏願悟解真乘頓超登於十地扶持寶祚益昌熾於萬年

六月二日安穆皇后忌伏以作伉潛藩爰維持於陰教

追崇顯號咸瞻仰於坤儀爰屬諱辰用嚴薦禮安穆皇
后伏願圖成妙果起諸相於佛乘保佑洪圖措羣生於
壽域